



14463

III

Moo. St. Dr.

P

Antonius

Abbas. Joach. Tractatus e summa
virtutum, conditionis ac meritorum.

PANEG. et VITAE

Polon. Fol.

№. 508

T

V
PE

R
Sac

N

Sac
Can

BL
VNI
GR

Ph
PR

TRACTATUS^{600.}

è Summa

Virtutum, eruditionis, ac meritorum,
*PERILLUSTRIS CLARISSIMI & ADMODUM REVE-
RENDI DOMINI*

**M. ANTONII
KRZANOWSKI,**

Sacrae Theologiae LICENTIATI & PROFESSORIS, Ecclesiae Collegiatæ S.
FLORIANI ad Cracoviam PRÆPOSITI, Contubernii Philosophorum
PROVISORIS.

DESUMPTUS.

& dum ad Aedes Ecclesiae Collegiatæ Sanctæ ANNÆ,

à

PERILLUSTRI & REVERENDISSIMO DOMINO.

**M. ADALBERTO
GRZYMAŁA,**

Sacrae Theologiae DOCTORE, Eiusdemq; Facultatis DECANO, Ecclesiarum
Cathedralis Cracoviensis CANONICO, Collegiatæ SS. OO. Crac. PRÆPOSI-
TO, Contubernii Geloniani PROVISORE.

in frequentissimo Magnorum Hospitum Congressu

ritu Solenni renunciaretur,

Sacrae Theologiae DOCTOR;

in gratiam æviterne memorie

P E R

M. ADALBERTUM JOACHIMUM FOLTANSKI

Philosophiae DOCTOREM, Eiusdemq; Regium ac Tylicianum Eloquentiae
PROFESSOREM, COLLEGAM MAJOREM, Ecclesiae Collegiatæ S. ANNÆ
Zielopolskianum CANONICUM,

Luci publicæ

EXPOSITUS.

Annò quo Verbum Caro factum est 1759. Die 26ta Mensis Novembris.

CRACOVIAE Typis Collegii Majoris,



unibz m

601. **TRACTATUS**

Gravis est antiquorum Sententia,

quod juncta eruditioni virtus, virtuti eruditio,
nullo plausu petit clarescere vulgi. (a)

Non dilatant more psittacorum sua philacteria,
qui verè os populi meruerunt.

Extra annulum gemma, candore notabilis ipso.

Non quærit à Lydio lapide æstimationem,
metallorum Princeps, & in rupibus aurum.

Est fons luminis Sol

sine accensa Diogenis face.

Opponit etiam in dictis Veterum moderna ætas,

pulchrum est digitò monstrari, & dici hic est. (b)

Trahitur è fundo maris ad coronam unio.

Tubis tibiisq; ipsa delectantur Numina.

Quis Imperator? de prostrato hoste neglexit Laureas.



Non fastidit post triumphum plausus à populo Victor.

Repetit spolia, veteranus post vulnera miles.

Laudandos esse, qui laudanda gessere,
omni ævò conclusum.

Utramq; in præsentì Tractatu tueor Sententiam.

Nil est indiga laudis virtus & eruditio,

cùm sint divitiis animosæ suis.

De intrinseca earum ratione, esse sibi pretium,

ab auræ popularis tinnitu, non petunt argumenta.

Sed cur pauci virtutem & eruditionem amplectantur?

à se satis commendatas dotatasq;.

Quærant à nobis plurimi etiam illam Dotem,

quam à tot sæculis, virtuti eruditioniq; reliquerunt,

nobiliori à me notandi lapillò Viri,

quorum erat Caput aurum optimum.

Respondendum hinc directè;

ubi æternitatis circulo insertæ, è ludo Literario gemmæ?

(a) Claud: in Laud: Still: (b) Idem de Cons: Manil:

ubi

ubi magnô laboris empti pretiô, Doctorum Annuli;
ubi sanguineo conspersæ sudore eruditorum Laureæ?
ubi ex Ærario publico Sapientiæ monilia?
ubi deniquè inexhausti scientiarum thesauri?

602

Qui quærent in vitæ sociam prodromo labore,
sine fuco & cerussa cum eruditione virtutem,
nôrunt illas desponsatas, ab antiquo fuisse

Viris præcipuè Literatis.

Nec dubitant multa eis tradita Talenta,
quibus non juxta fraudem dolumquè,

sed secundum propriam virtutem negotiari licet.

In eorum bona si succedere non possunt,
ex transfusa Meritorum summa censum repetunt.

Quis ille? & unde sit census?

Est ab ingeniis calamisq; laus quovis jure debita.

Inis hodie cum Theologico Honore

solenni ritu Sponsalia sacra,

PERILLUSTRIS neo DOCTOR.

Movebunt non unam Quæstionem sæcula,

inquirent in seris Nepotibus amatores Sapientiæ,

de Tua Virtute, Meritis ac eruditione.

Ergo ex Summa

Virtutum, Meritorum ac eruditionis Tuæ,

in gratiam perennis memoriæ,

Luci publicæ expono

T R A C T A T U M.

Multis ille constare debuisset Titulis.

Quæcunq; tamen ætas primo à capite leget,

magni Tui Nominis gloriam Honoremq;

unde similia sint desumenda documenta;

& ipsa resciet, & ventura sæcula informabit.

Quicumque vitæ Tuæ rationes requirer;

ex illis sibi addere plurimum poterit;

663 quia ultra calculum, & hanc paginam fuerē.

Si de meritis quæsierit?

Hæc fastos & volumina poscunt.

Formam ac pulchritudinem virtutis spectabit,

si vel ipsa prima lineamenta Tui inspiciet.

Satis prodiga in Te fuit natura,

dum vultus, oris, corporisq; totius,

& amabilem quandam dignitatem tribuit,

& venerandum animi habitum est largita.

Prodidit se non parca Cæli liberalitas,

in vivida Tui mente acerrimoq; ingenio.

Longè excellentior naturâ virtus,

non diu distulit suam explicare magnificentiam,

in Tuarum Dotum sublimi theatro.

Voluit brevi tempore ostendere omnibus,

quid & quantum valeret? etiam in tenello subjecto,

Fecisti singula, ad quæ Te innata disposuit bonitas.

Veneranda Superiorum servasti præcepta,

Virorum non puerorum imitatus es exempla,

egregiam natamq; ad magna indolem,

translati ab adolescentia,

ad senium figuris,

in primis Literarum elementis

adhuc tyro exornasti.

Quid mirum! quòd juxta pulchram Antithesim,

extra paradoxum posuisti;

in Aprili, posse esse Autumnum,

in parte contineri totum, & partem in toto.

Non ne in exordio vitæ Tuæ specimina indiciaq; apparebant,

PERILLUSTRIS neo *DOCTOR*,

de quibus, in ulterioribus Partibus eras tractaturus.

Veniens ad Musas Academicas,

futuro-

futurorum de Te, non vana dedisti augurî a.
Multiplicia virtutum semina, 684
copiosam in Arena Literaria promittebant messem.
Egregiæ Indolis flos pulcherrimus,
maturos in Academi Luco portendebat fructus.

Etenim

dignoscuntur in turione Cedri,

Et quid serus vehebat vesper?

non solum in hespero, sed Et in aurora prævidemus.

Non est elusa spes de Te in herba,
PERILLUSTRIS neo - DOCTOR.

A primo in Jagellonicum Campum ingressu,
jam adimplere cepisti,

quæ publicæ, quæ privatæ expectationis fuere vota.

Noveras Campum hunc à tot sæculis,
magnum quovis in Subsellio Virorum,
laboribûs excultum,
sudoribûs conspersum;

& ideo,

de sæcunda omnis eruditionis non dubitasti fruge.

Habent hoc commune solum Et ingenium,

quod non unius diei opus est culturâ,

antequam sementem injicias, messemq; colligas.

Te in Arena Literaria otiosum,

non Sol oriens, non occidens vidit.

Ne inutili mens sterilefceret otio

illam excolebas die nocteq;.

Ex continuo studiorum cursu,

incredibilem scientiarum contraxisti sitim;

ad quam extingvendam non primis gustasti labrîs.

Aganippeos fontes, dulciorisq; eloquii latices.

685 Eurippus Philosophicus nec suffecerat,
cū Te totum Theologico Mari immerfisti.

Exinde liquet,
vastissimum, avidissimūq; esse Tui animum,
non potuit ūno scientiarum repleti fonte,
neceffe fuit, Sapientiæ Oceanum totum.

Et ideo

per omnes in scientiis gradus, gyganteis procedebas passibus,
ut quantocyus in supremo eruditionis stetisses culmine.

Præoccupabas annos properatione discendi,
ne morarentur cogitationes suo ævō majores.

Utinam in æternam non claudisset sua lumina noctem

Ille Ingeniorum Ocellus
In Corpore Reipublicæ Literariæ Pupilla,
Inter Lumina Oratoria Sol.

PERILLUSTRIS olim & CLARISSIMUS
M. ÆGIDIUS WADOWSKI,
COLLEGA MAJOR Vocatus.

Vidisset jam nunc in meridie,
quæ in aurora & præviderat & prædixerat.

Inest enim aliquid Divini
perspicaci ingenio, prudentiâ, & autoritate præditis Viris,
ut fatorum futurorumq; cognoscant secreta,
loquantur extra Delphos ac Tripodem oracula.

Vultis ne scire? quæ illa fuere de hoc Viro auguria!

Inferebat non vano omine
ex illis, qui erumpebant egregiæ indolis igniculis,

Orbis Literarii,

magnum Luminare futurum.

Cum verò perspexisset & intimius penetrâisset,
capacissimum cujusvis virtutis animum,

in ma-

in moribus gravitatem,
in rebus agendis prudentiam;
velut quodam afflatus Numine prædixit,
Illum magnæ expectationis Virum.

Et ideo
juxta communem eruditorum sensum,
Hic artis Oratoriæ facile Princeps,

efficacissimis ex intimo corde verbis,
propensissimæ voluntatis expressione,
effecit ad Decus jagellonicæ Palladis,
ut satis gloriosum licet summe laboriosum,
Academicum non ægrè suscepisset Statum,

Nempè
perspectum ex illius Dotibus habuit,
quod ad propagandam Ejus succedet gloriam;
post Atlantem Hercules,
post Demosthenem Tullius.

Et factum est Cælo sic omnia ordinante,
quid quid erat ex præsuppositis de Illo.

Submisit Caput Philosophicis Laureis,
et simul lauream linguæ affecutus.

Non refugiebant ab Illo, ut olim ab Apolline,
sed ultro se se ingerebant
ab animi Illius vigore alimentum habituræ.

Ascendit Doctoralem Cathedram,

an potius Philosophici Capitolium Honoris,
utpote jam non una Lauru redimitus.

*Descendit in aciem Sicinius Dentatus trigesies septies,
quadraginta quinque tulit vulnera,*

*antequam recepisset à Senatu Populoq. Romano,
Coronas aureas octo, murales tres, Civicas tredecim.*

Nec Tibi

PERILLUSTRIS neo *DOCTOR*,

docta gratis venit corymbus.

Præmisisti non unum certamen,

in Philosophicâ arena,

ut palmam in cidarim eripuisses hosti.

Superâsti difficultatum scopulos,

quia in Tuas partes omnes scientiâs pertraxisti,

Nulla Ars Liberalis non erat Tibi ignota,

quia uniuscujusq; cognovisti naturam,

omnes Tibi fuere domesticæ, & nulla peregrina,

Maximè tamen adhæsit cordi Tuo

Divina Matheſis,

cùm & Tu illi invisceratus fuisti.

Reſciviſti plurima Cæli arcana,

ipſum hujus Divæ ingreſſus Conclave;

Errare non potuiſti Manuſductore peritiſſimo,

(Cui & ad præſens Doctoralem offers Lauream,)

*PERILLUSTRIS CLARISSIMO & A. R. DOMINO.**M. S T A N I S L A O**F I L I P O W I C Z,*Sacræ Theologiæ *DOCTORE & PROFESSORE,*Universitatis *SENIORE PATRE,*

Huic meritis annisq; grandævo Patri,

Orbis Academici infracto Atlanti,

Boni Communis Defenſori ſtrenuiſſimo,

utî vix parem ſæcula dabunt,

ita in integerrima incolumitate Ejus anni,

non ad unum protendantur ſæculum.

Ab hoc magnæ eruditionis Pedagogo

Intellexiſti pernicitatem ſiderum,

Planetarum curſus & recurſus,

varias

688.
varias Cælestium Sphærarum revolutiones,
quæ fulminum & tempestatum causæ? cognovisti.

Extra dubium est,
quod possis dare rationem gubernandi,
inferioris, ad normam superioris mundi.

Unde
descendisti ad terræ globum,
& existentis sub concavo Lunæ Orbis magnitudinem,
Regnorum & Regionum distantiam,
Urbium situm, & locorum varietatem,
juxta numerum & mensuram demonstrasti.

Geometra Geographus,
aliisq; Mathematicis imbutus scientiis,
quid quid terra, Pontus, & aër continent,
ad intima penetrasti penetralia.

In his observationibus,
displicuerunt Tibi præcipuè erratici Planetæ.

Hinc
placuit in Sphæra Academica Solem esse,
qui nec cursum nec lucem variat.

Vidit in Te Major Polonia

idem sapientiæ ac eruditionis lumen,
quod & Minor observavit.

In Academia Posnaniensi

Poëseos & Rhetorices sexenniū Professor.

toto annorum tractu nunquam fuisti retrogradus.

Salebrosâ viâ ascendisti Parnassum

& unus Apollo, plures fecisti Vates,

Tullianum non sine sudore emensus Campum,
quos stipites invenisti, reddidisti Mercurios.

Penes Te Lubransciana Pinus,
extra Dodonam fatidica facta.

Contubernii Szoldrsciani Præfectus,

C

quod

quòd præesse & prodesse optimè noveras,
Sunt testes nobiliores Ascanii,
quos Publicæ expectationi reddidisti Achilles.

Aliàs

ex commissa Institutioni Tux Juventute

Magnos in Toga & Sago Viros,
Majori reliquisti Poloniæ.

Præter Scholasticam Cathedram loquerentur

& *celeberrima in illa Majorica Metropoli Exedra,*

dicerent etiam ex communi Tui æstimatione,

(me ipso teste)

Oratorii, pro Divorum Laudibus Suggestus,

qua Styli elegantioris Majestate,

oris facundi affabilitate,

verborum & rationum gravitate,

Sacer quibusvis ex Rostris perorabas Orator,

Sed faciunt fidem publicam,

cultissimi Tui ingeni partus,

è prælo

luci publicæ traditi.

Iterum prodit in hanc paginam,

satis ad Gentis Togatæ celebratus gloriam

Aurei Velleris EQUES

DD. J O A N N E S,

in JOANNIS DABROVII Melitensis Equitis

Illustrissimam introductus Domum.

Exornasti Eum inæstimabilibus verborum gemmis,

extra dubium,

quòd Tuas adversus fata tuebitur Partes.

Repercussus à Typographicis Columnis,

ad numerum Oratorium accomodatus,

Sonus Symphonia Cælestis

DD.

DD. THOMAS de Aquino 890
ROZDRAZEVIANÆ de Comitibus
dedicatus Familiæ;

quoties ad mille solatia repetitur,
toties vocaliorem Tui Nominis continuat famam.

Prope Divinum Tui demonstrat ingeniū,

Philippica, Pneumatis Poli partu procreata

DD. PHILIPPUS NERIUS,

dicata verò

Perillustri olim LUCÆ DAJEWSKI,

Consistorii Posnaniensis NOTARIO;

An potius Aëtis Publicis ingrossata,
quòd alter Cicero ANTONIUS

à se scriptam dictamq; Philippicam,
erga DD. NERIUM habuerit.

Hinc

non ne alter VADOVIUS es!

juxta prudentissima ejus auguria,

PERILLUSTRIS neo DOCTOR,

Ille ex Cathedra appellavit THOMAM

Tomus, tollendis tenebris traditus,

Tu pari methodo PHILIPPUM,

Philippica, Pneumatis Poli partu procreata,

in utroquè Panegyrico Opere,

idem cum incredibili labore artificium,

utrumq; ingeniorum stupor!

Debuiſti alter eſſe Mercurius,

cùm ad deprædicandas DD. Eliæ Laudes,

in Carmeli Cælum

primò ex Academi Luco invitatus fuisti;

691 sed Te Personatam ostendisti Intelligentiam,
demonstrando DD. Patriarcham primum Mobile esse.

Non poterat locus esse in tectis

Huic Paradisi Incolæ,

Quem ut locasses inter trina Carmeli sidera,
pro Carru igneo, Oratoriâ usus es pennâ,

Quæ pro Domo Cælitum aurô Cedroq; notanda dixisti,
plura sunt Cælo reservata,

non concredita prælo,

præstolanti paginæ denegata.

Nec simul defuisti Plinius

quoties adfuere Trajani,

suum Maronem habuerunt Mecænates.

Illustrissimum ac Excellentissimum Dominum,

De Matosyn.

CASIMIRVM RACZYNSKI

PALATINUM CALISSIENSEM

adeo styli sublimitate extulisti,

ut Ejus Honori videreris addere majestatem.

Ex obligatione Orbis Poloni,

quam omni Titulo debere

RACZYNSCIANÆ Domui deduxisti,

ipse omnes omnium complexus es gratias

Gemmam Virorum,

aut Motricem Intelligentiam,

Illustrissimum & Reverendissimum Dominum

BALTHASARUM WILXYCKI,

SUFFRAGANEUM POSNANIENSEM,

ut ostendisses Orbi Polono,

Sphæram Insulati Honoris,

Arte Oratoria & Panegyrio Opere extruxisti.

In Mathematicis Lucubrationibus,

non

non solum duodecim Zodiaci numerabantur signa, 692
sed & lucidissima Sarmatici Poli adorabantur Nomina;

ex his influxus Cælorum,
ex illis æstimatio Tui noscebatur,

Testor publicam famam!

cum quanto plausu Tui & Nominis Academici,
congregatis nuper Primis Majoris Poloniæ Proceribus,
ad revidendum commune Ærarium

Palatinatûs Posnaniensîs & Califfiensîs,

Astrologicas dicâsti Observationes.

Non potuit sine incremento gloriæ esse,
tantus primæ magnitudinis Siderum Concurfus,

Ipsa Cælestis Tui Urania

Laudes Magnorum decantabat Virorum.

Æstimatas ubiq; Lucubrationes Mathematicas,

illa distinguebant è Cælo Polono Nomina,

à quibus plus desumebas splendoris,

quàm sidera & Luna à Sole.

Quid supponendum,

dum annuas iterum Revolutiones sacrâsti,

Illustrissimo & Reverendissimo.

CAPITULO POSNANIENSI,

quia ab Infulatis Infulandisq; Capitibus,
voluisti simul grave habere de Te iudicium.

Huic Insigni ac probatæ existimationi,

addidit maiorem auctoritatem,

Illustrissimus olim Excellentissimus ac Reverendissimus D.

de Czarkowice

JOANNES TARŁO,

EPISCOPUS POSNANIENSIS.

Rigidus Hic Ingeniorum Ponderator,

tuam non ita æstimâset eruditionem,

si in illa verum pondus & valorem non invenisset.

D

Inter

Inter Præcipuos carus Illi, & laudatissimus fuisti;
quia hoc & Candore Academico,
& solida eruditione meruisti.

Ejusdem sensus de Te fuisse,
& Totum ILLUSTRISSIMUM CAPITULUM,
ille non nisi negaverit,
cui ignotum fuisset,

qua propensione, corde, & æstimatione,
& amabant Te, & appretiabant sibi,

KAZNOVII, MADALENSCII, &c:
Ad Minus è Majori Polonia vocatus Collegium,
(quod est Seminarium)
(magnorū quovis in subsellio Academico Virorum)
Loco Huic

majoribūs semper respondebas meritīs,
laboris unius finis, gradus erat alterius.

*Negotium sanè Deorum consiliō dignum
quomodo teneriores debeant educari Scipiada,
ut non uni Pano Annibali, in penam abeant.*

Hoc perfecisti Magne Hiron,
in CELSISSIMIS PRINCIPIBUS

Illustrissimis ac Excellentissimis Dominis

STANISLAO & JOSEPHO
LVBOMIRSCII S,
PALATINIDIS SENDOMIRIENSIBUS.

Quantū Hi nobilissimi Ascanii
ex privata Tui Institutione profecerint?

videantur Eorum in Sago & Toga gloriosa gesta.

Sed non hīc meta Tuorum Meritorum;
Cessit Tibi non postrema portio magnarum curarum,
in oblata UNIVERSITATIS Syndicatura,

Multa hīc tulisti, sudasti & alisti,

quia

quia Bonum Commune, & utilitatem publicam
semper privato commodo prætulisti,

694

Ipsîs innutritus laboribûs,

Philosophicum petisti Cursum;

Vladislavianum esse noveras,

placuit Regia ad Honorem via,

scilicet

publici in Regni Schola labores.

Numerosâ Auditorum cingebaris coronâ,

dum intricata reddebas plana,

facilitabas difficilia,

resolvebas perplexa,

suavis eloquiô, explicatu facilis.

Mirabatur Peripathus

subtilitatem cum claritate, quod mirum,

claritatem cum soliditate, quod rarum

verum sine tædio docendi amorem, quod Tuum!

Continuîs sollicitudinibûs

nocturnas diurnasq; distinguebas horas,

ne tibi vel aliis aliquam perdidisse diem videreris.

Tuis lacertis Decanus imponitur Purpura,

sed & hæc ne ad verecundiam rubeat,

sanguineum sudorem in rubiconem requirit.

Et fecisti,

quid quid ad Decus requirebatur

Philosophici Honoris,

dum semper tenuisti primatum,

in primis laboribus Princeps.

Præeuntibûs tandem Meritis,

ingressus es DOMUM MAJOREM,

sed Te adhuc majores exceperunt curæ.

Etenim huc se ingerunt velut agmine facto,

præter domesticos, publici labores,

sit ille Hercules, non valebit contra plures.

D2

pariter

Pariter Tu

PERILLUSTRIS neo *DOCTOR*,

non ita Te totum,

solis Scholasticis sacraveras Cathedris,
ut etiam potiolem vitæ & laborum Tuorum partem,
aliis pro Bono Communi non dedisses Functionibus.

In Ecclesia Cathedræ Cracoviensis,

pluribus annis Garvascianus Concionator.

ita contra præsentis sæculi Boleslaos,
re & nomine fulminabas ANTONIUS,

ut simul protulisses verborum gemmas,

ad trinas Vavelli Coronas.

Et aliæ DEO Divisq; sacratæ Basilicæ,

Te sibi ex Exedris eripiebant Oratorem;

in Quo Apostolicus Zelus,

morum & vitæ integritas,

sermonis affabilitas,

Styli & dictionis Majestas,

& movebat, & delectabar.

Dicito hîc,

Catatumbis Sanctorum dives Cracovia?

qua in Sacra Æde hunc non audisti Tullium,

quoties hic pro Domo & causa Cælituum

religiosa coram populo faciebat verba,

toties Evangelicæ Veritatis fuerat Assertor;

artis plutonicæ expugnator.

Narrarent distinctè Distinctorum Concursus,

ni suffecisset vel una de Te relatio,

plus quam de Tripode, quia à Sacrorum Antistite,

Eminentissimo CARDINALI ac PRINCIPE Celsissimo,

Illustriſſimo & Reverendiſſimo Domino

EPISCOPO CRACOVIENSI

JOAN.

JOANNI ALEXANDRO ⁶⁹⁶

in Lipsi

L I P S I,

In circulo Cracoviensi in Ædibus B.V. MARIÆ
quoties Sacer perorabas Orator,

toties loquebaris gemmas annulo æternitatis inferendas.

Quantum æstimaverat Sacras Tui Lucubrationes,
etiam exinde liquit,

dum incidente quintò sæculò Canonizationis,

Divinissimi STANISLAI Episcopi & Martyris,

ex Rostris Ecclesiæ suæ Cathedralis,

publicè laudandi Hunc DD. Patronum,

Nomine proprio (ut optaverat) contulit Tibi Provinciam.

Hanc centennam annorum Olympiadem,

ab inscriptione Sanctorum numero,

Divinissimi HYACINTHI Confessoris,

in Ædibus Ordinis Prædicatorum deprædicasti pariter;

nempe

ad illud, quod est sæculorum opus

Ingeniorum desiderabatur Phænix.

In die anniversaria Coronationis,

SERENISSIMI ac POTENTISSIMI

A V G V S T I III.

Poloniarum REGIS Clementissimi,

ab eodem Eminentissimo invitatus CARDINALI

EPISCOPO tunc CRACOVIENSI,

cum summo Tui Nominis & Academici plausu,

quot Præsules & Senatores, tot Auditores habendo,

dum peroraveras ex Cathedra,

obligasti Tibi ipsas Majestates.

Meruisti hoc à Throno referre edictum,

quòd fueris Vir omnibùs numeris absolutus,

E

(ad quæ

(ad quæ extra Academum trahebaris)
quorumvis Munerum capax.
692 Quæ existimatio de Te fuerat in Peripatho,
hanc effecutus es & in Pantheo;
utramq; ad immortalem Tui Nominis famam possides.
Es pars laboris eruditi Religiosarum Familiarum,
sunt & Sacerrimi Ordines Tui.

Vocatus ad Scholasticum certamen nunquam non processisti,
Ipse sæpius adversariorum telis, argumentorum tela opposuisti
Hoc probant de Te! dicatæ Conclusiones

LVBOMIRSCIORVM

CELSISSIMÆ DOMUI,
quod sis & certare par & respondere paratus.

Tylicianus; sex annis Eloquentiæ Professor,
nec ungue transverso recessisti à semita,
quam munificentissimi FUNDATORIS trivit Solea.

Est Tuum Bibliotheca Caput,
facile erat de omni re dicere.

Prodit Te ipsa loquela

quod sis Hortensius, vel Gallicanus Hercules ille,
dum rosas & lilia loqueris.

Est delicatior mens Tua,
selectiora quærit, vulgaria spernit.

Testantur ipsa ingenii Tui monumenta
domi forisquæ relicta,

Te esse ex utroq; Cæsarem,

In generalibus Regni Comitibus,
eras Cyllenius alter,

dum Magna Nomina acsi Numina pertraxisti,
ad vota Tui & desideria.

Quid inferendum?

ex Definitiva à Te Sententia, typis expressa,
circa Doctoratum pro utroq; Jure

Perillus-

Perilluſtris olim & Reverendiſſimi

M. ADALBERTI MICINSKI, ^{698.}

Cracoviensis CANONICI, Collegii Juridici Senioris PATRIS,

Viri de Literis & Literatis bene meriti:

concludendum est,

contra perennem eruditionis Tuæ gloriam,

quæ ex dictis ſcriptisq; colligitur,

nulla eſſe fatorum remedia.

Finxit ſibi Antiquitas,

bifrontes Janos, Briareos, & centoculos Argos,

Tu unus omnibus, omnia eras.

Eccleſiarum Collegiatarum

S. ANNÆ & S. FLORIANI ad Crac: PROCURATOR;

retentos vindicaſti Cenus,

noluisti reliquiſſe, tantas ſine Dote Sponſas,

Nec mirum!

pridem Tu decorem Domûs DEI dilexiſti,

dum in *Grabie & Smarżowice* Eccleſias Parochiales,

incuriâ temporis collapsas erexiſti,

pretioſâ ſuppellectili dotâſti

pieturiſ & imaginibûs exornâſti.

In plures diviſos,

Tu collectos in Te tenes labores,

ex laboribus (juxta rectam conſequentiam) Merita.

Totius UNIVERSITATIS egiſti PROCURATOREM;

quomodo?

probant deſenſa Academix Jura,

quibus, quæ deſiderabantur providiſti ad Eſſe.

Maximas refert grates

Minus Collegium,

Tuâ curâ & ſollicitudine ab extra reparatum,

Contubernii Philoſophorum PROVISO,

(quod in capite hujus Tractatus ſcribendum erat,)

ad ſuccurrendum hujus Lycei ultimæ ruinæ,

Ez

quæ

quæ erogasti & fecisti,
versantur in omnium oculis documenta:
699 Beatissimæ VIRGINIS & DD. Tutelaris Effigies,
adornata coloribûs, ipsiq; fronti insculpta,
quoties cultu debito adorabitur,
toties monstrabit Te fuisse gratiosum.
Eruditissimos illos censuisti, qui plurimos erudiant,
cadavera non homines, qui ipsis solis talenta fodiunt.
Proinde
Ex Theologia Cathedra multos erudivisti ad scientiam,
ad cognitionem & amorem DEI omnes.
Quæ est fructu grvida arbor se inclinat,
quasiqûe ad carpendum quod libuerit ex se invitat.
Paralio eras Solis Aquinatici,
non uni angulo lucebas.
Doctam non opus erat adire Corinthum,
dum in Academo sacra loquebaris oracula.
De Divinis ita referebas arcanis,
acti in via Comprehensor fuisses.
Ad Sacram Theologiam,
maturo passu, quia per omnes Philosophicas ivisti Cathedras,
Theologicos consumaveras Cursus,
verè, omni Titulô consummatus Theologus,
Divinæ Sapientiæ ita agebas agisq; Professore,
ut Auditores Tuos deduceres,
per visibilia, ad invisibilem Conditorem.
Quæ speculativè docebas docesq;
in Te Ipso ostendebas ostendisq; præctiè?
Jungis laudabili nexu,
virtutem eruditioni, eruditionem virtuti
utpote: omnis perfectionis compendium.
Es ingenii elevati, sed non elati,
more Solis,
qui in superiori auge, minores spargit umbras,
Conci-

Conciliâsti Tibi cor

Perillustris olim & Reverendissimi Domini, 700.

M. MARTINI

WALESZYNSKI,

Sacrae Theologiae DOCTORIS,

Ecclesiae Cathedralis Cracoviensis CANONICI,

Collegii Majoris & Universitatis Senioris PATRIS.

Consecutus es animi propensionem,

CELSISSIMI PRINCIPIS,

Illustrissimi Excellentissimi ac Reverendissimi D.

CAIETANI SOLTYK,

EPISCOPI Cracoviensis, DUCIS Severiae;

Quem in ingressu ad sui Cathedram

in porticu, insignis Ecclesiae Collegiatæ Sancti FLORIANI,
dam salutâsti publicè,

Te publici exceperunt plausus;

cùm Ipse Principalis Primoresq; alii,

Hunc quem dixisti sermonem,

concreditum paginae, sibi præsentem voluerunt

Sunt eruntq; ipsi parietes testes,

quæ, & quanta, pro commodo & decore

impensis Tuis huic Præposituræ fecisti.

Et ideo,

Non unâ eruditionis ac meritorum semitâ,

ad capeffendum Theologicum venisti honorem

PERILLUSTRIS neo DOCTOR,

ante lauream, dignus laureis.

Recipis Lauream Theologicam

è manibus

Perillustris & Reverendissimi Domini

F

M. AD-

701. M. A D A L B E R T I
G R Z Y M A Ł A,
Cracoviensis CANONICI,

Sacræ Theologiæ DOCTORIS, ac ejusdem DECANI

Est Hic Vir quavis illatione de se major
dum Tibi plures gratiæ suæ præmissas posuit,
non ad unam erga se conclusionem obligavit.

Habuit quod viderit sol publicus,
in Te Sacræ Theologiæ PRÆSENTATO,
adsunt plura in DOCTORE, luci publicæ monstranda.

Applaudunt Ordines Academici
uti supremâ Laureâ redimito Patri.

Reddunt vota sua

Religiosissimi Sacerrimarum Familiarum Patres,
jam coronato in Exedris, Cathedrisq; Victori.
Redundat in devinctos Nomini Honoriq; Clientes solatium
dam jam evenerat, quod voverunt.

Homeri Ilias,

Pellæi Juvenis excitabat indolem,
ad simulacrum Gadibûs Alexandri ingemuit Cæsar.

Habebit & posterior ætas

Summam virtutum meritorum ac eruditionis Tux
ex cujus qualibet Parte, non unus potest esse.

TRACTATUS.



Biblioteka Jagiellońska



stdr0024713

